

Siunnersuummut nassuiaatit

## **Nassuiaatit nalinginnaasut**

### **1. Aallaqqaasiut**

Aalangiiffigisassatut siunnersuut imaattoq Inatsisartut 2022-mi Ukiakkut ataatsimiinnerminni siullermeerpaat.

*”UKA 2022/29 - Kalaallit Nunaanni illunut inissianullu Radonip qinngorneranut illersuutilersuinissamut periarfissanik misissuititsinissamut Naalakkersuisut peqquneqarnissaannik Inatsisartut aalajangiiffigisassaattut siunnersuut. Misissuinerup imarissavaa pisortat ingerlataanni illuni aamma naammineq illuni inissianilu pisortanit pigineqartuni arlalinni periarfisarsiorinissaq. Kingusinnerpaamik 2023-mi ukiaanerani ataatsimiinnermi misissuinermit innersuussutit saqqummiunneqassapput.”*

Siunnersuutip siullermeerneqarnerani, aalajangiiffigisassatut siunnersuummut Naalakkersuisut allannguutissatut siunnersuummik ima saqqummiussipput:

*”Naalakkersuisut inissiani nammineq pigisani radon-imut isumannaallisaanermut atatillugu aningaasartuutissanut taarsigassarsititsinissamut periarfissanik pitsannguinnissamik peqquneqarnissaat, tamatumalu inissianut aningaasalersuisarnermut inatsisip iluarsaanneqarnerani tullermi, kingusinnerpaamik 2023-mi upernaakkut pisussami ilanngunneqarnissaa pillugu Inatsisartut aalajangiiffigisassaattut siunnersuut.”*

Tassunga tunngatillugu oqaatigineqassaaq, qallunaatuani ”2023-mi ukiakkut ataatsimiinnermik”, kalaallisuanilu ”2023-mi upernaakkut ataatsimiinnermik” allassimammata qallunaatut kalaallisullu allassimaneri imminnut naapertuussimangimmata, kalaallisullu allassimanera eqqortuummat.

Siunnersuutip siullermeerneqarnerani aalajangiiffigisassatut siunnersuummut Naalakkersuisut allannguutissatut siunnersuutigisaat tapersorneqarpoq. Inissiani nammineq pigineqartuni radoneqassutsimik annikillisaanissami aningaasartuutissanut aningaasatigut tapiissuteqarnissami periarfissat pitsanngorsarneqarnissaannik, Illuliortiternernut aningaasalersuineq pillugu inatsisartut inatsisaata allanngortinneqarnera pillugu inatsisartut inatsisissaatut siunnersuut manna siunertaqarpoq.

### **2. Siunnersuummi immikkoortut pingaarnertit**

Kapitali 3-mi, kapitali 4-mi, kapitali 4 a-milu aalajangersakkat atuuttut naapertorlugit, inissiani nammineq pigineqartuni inissiat iluisa silaannaasa radoneqassusiinik annikillisaaniarnernut taarsigassarsisitsisoqarsinnaavoq imaluunniit tapiissuteqartoqarsinnaavoq. Inissiani nammineq pigineqartuni inissiat iluisa silaannaasa radoneqassusiinik annikillisaaniarnerit iluarsartuussinertut isigineqarput. Taamaakkaluortoq malittarisassat atuuttut naapertorlugit inissiani nammineq pigineqartuni inissiat iluisa silaannaasa radoneqassusiinik annikillisaaniarnernut taarsigassarsisitsinerit imaluunniit tapiissuteqarnerit, sanaartornermi suliassanut allanut taarsigassarsitinneqarsinnaanissamut imaluunniit tapiiffigineqarsinnaanissamut periarfissanik annikillisitsissaaq.

Inissiani soraarnerussutilialinnit nammineq pigineqartuni inissiat iluisa silaannaasa radoneqassu-siinik annikillisaaniarnernut, kommunit immikkut ittumik erniaqanngitsumik akiliutitaqan-ngitsumillu 100.000 koruunit tikillugit taarsigassarsisitsisinnaanissaannik piginnaatitsisumik kapitali 4-mi aalajangersagaliortoqassasoq siunnersuutigineqarpoq.

Inissiani inoqutigiinnit akileraarusigassanik ukiumut 300.000 koruunit inorlugit isertitalinnit nammineq pigineqartuni inissiat iluisa silaannaasa radoneqassusiinik annikillisaaniarnernut, kommunit immikkut ittumik erniaqanngitsumik akiliutitaqanngitsumillu 100.000 koruunit tikillugit taarsigassarsisitsisinnaanissaannik piginnaatitsisumik kapitali 4 a-mi aalajangersagaliortoqassasoq siunnersuutigineqarpoq.

Taamaalilluni inissiat iluisa silaannaasa radoneqassusiinik annikillisaaniarnernut aningaasalersuinissaminnut nalinginnaasumik ajornartorsiuteqarsinnaasunit inissiani pigineqartuni radoneqassutsinik annikillisaaniarnernut taarsigassarsisitsisoqartarnissaa, tapiissuteqartoqartarnissaalu pingartinneqarpoq. Inissiat iluisa silaannaasa radoneqassusiinik annikillisaaniarnernut aningaasartuutissat nalinginnaasumik 100.000 koruuninit akisunerusassanngitsoq nalilerneqarpoq.

### **3. Pisortanut aningaasaqarnikkut allaffissornikkullu kingunerisinnaasai**

Kalaallit Nunaanni Illuliornermut malittarisassat 2006-imeersut, 2007-imi januaarip aallaqqaataani atuutilerput. Radon pillugu kapitali 11-mi, imm. 4.2-mi ima allassimavoq:

*” Radonip akuisa illup iluata silaannaanut siaruaassinnaanissaat annikillisinniarlugu, illut 61°30’N-ip kujataani sananeqartut natip alliup ataani silaannarissakkamik qaarusuusalerneqassapput, imaluunniit nunap iluata tungaanut silaannarmut ussissunik sananeqaaserneqassallutik.”*

Tamanna tunuliaqataralugu nalilerneqarpoq, inissiani pioreersuni radoneqassutsinik annikillisaanissamik pisariaqartitsinerit, inissiani 2007 sioqqullugu sanaartorneqartuni annerussasoq.

Inissianik pioreersunik iluarsartuussinissamut il.il. taarsigassarsisitsinissamut tapiissuteqarnisamullu atatillugu allaffissornissamut aningaasalersuinissamullu akisussaaffik, 2018-imi januaarip aallaqqaataani kommuninit tiguneqarpoq. Tamassumap ilutigisaanik Namminersorlutik Oqartussat kommuninut ataatsimoortumik tapiissutigisartagai annertusineqarput. Illulior-titernernut aningaasalersuinissanut taarsigassarsisitsisarnernut, tapiissuteqartarnernullu aningaasanik pingaarnersiuinissaq kommunit isumagisaraat.

Nunap iluani qanoq annertutigisumik radoneqassuseq sumiiffimmiit sumiiffimmut, sumiiffim-milu ukiullu ingerlanerani assigiinnngitsorujussuusarpoq.

Kujataani, imaappoq Paamiut eqqaannit Narsaliup kujasissortaanit, kujammut 61°30'N-imut, pingaartumik Narsami Qaqortumilu radoneqassuseq annertusinnaasartoq siornatigut misissuinerit takutippaat. Taamaattumik inissiap iluata silaannaata radoneqassusianik annikillisaanissamut taarsigassarsitinneqarnissamik imaluunniit tapiiffigineqarnissamik qinnuteqarnissamut, pingaartumik Kommune Kujallermi najugaqarlutik namminneq inissiaatillit patsisissaqarlutilu periarfissaqassapput.

Illulior-titernernut aningaasalersuinissanut Namminersorlutik Oqartussat ataatsimoortumik tapiissutigisimasaannut naapertuuttumik, Kommune Kujalleq illulior-titernernut aningaasalersuinissanut aningaasanik manna tikillugu atuisimangilaq. Tamanna tunuliaqutaralugu nalilerneqarpoq, siunnersuut, tassungalu atatillugu aningaasartuutissat Namminer-sorlutik Oqartussat kommuninut ataatsimoortumik tapiissutigisaasa iluini aningaasartuutigineqarsinnaassasut.

#### **4. Inuussutissarsiortunut aningaasaqarnikkut allaffissornikkullu kingunerisinnaasai**

Siunnersuut inuussutissarsiortunut il.il. aningaasaqarnikkut allaffissornikkullu kinguneqassanngitsoq nalilerneqarpoq.

#### **5. Avatangiisinut, pinngortitamut inuillu peqqissusaannut kingunerisinnaasai**

Siunnersuut avatangiisinut imaluunniit pinngortitamut kinguneqassanngitsoq nalilerneqarpoq.

Inissiani nammineq pigineqarlutik pioreersuni radoneqassutsinik annikillisaanissami taarsigassarsitinneqarsinnaanissamut imaluunniit tapiiffigineqarsinnaanissamut periarfissaasoq, inuit peqqissusaannut siunissami qaninnerusumi sunniteqassangatinneqanngilaq. Siunissami ungasinnerusumi puakkut kræfteqaleratarsinnaanermut siunnersuut annikillisaqaataasinnaavoq.

#### **6. Innuttaasunut kingunerisinnaasai**

Siunnersuut allaffissornikkut innuttaasunut kinguneqassanngitsoq nalilerneqarpoq.

Inissiani nammineq pigineqarlutik pioreersuni radoneqassutsinik annikillisaanissami taarsigassarsitinneqarsinnaanissamut imaluunniit tapiiffigineqarsinnaanissamut periarfissaasoq, innuttaasut attuumassuteqartut ineqarnermikkut pitsanngorsaanaannut, toqqissimalernissaannillu periarfissiisaaq.

## 7. Kingunerisinnaasai pingaaruteqartut allat

## 8. Oqartussanut peqatigiiffinnullu tusarniaaneq

Siunnersuut 2023-mi januaarip 27-anit 2023-mi februaarip 24-ata tungaanut Naalackersuisut tusarniaaviatigut tusarniutigineqarpoq, tulliuuttumilu tusarniaavigineqartunut toqqaannartumik nassiunneqarluni:

Naalackersuisut Siulittaasuata Naalackersuisoqarfia ([govsec@nanoq.gl](mailto:govsec@nanoq.gl))

Aningaasaqarnermut Naligiissitaanermullu Naalackersuisoqarfik ([oed@nanoq.gl](mailto:oed@nanoq.gl))

Nunanut Allanut, Inuusutissarsiornermut Niuernernullu Naalackersuisoqarfik ([nap@nanoq.gl](mailto:nap@nanoq.gl))

Aalisarnermut Piniarnermullu Naalackersuisoqarfik ([apn@nanoq.gl](mailto:apn@nanoq.gl))

Isumaginninnermut, Suliffeqarnermut Nunamullu Namminermt Naalackersuisoqarfik ([isn@nanoq.gl](mailto:isn@nanoq.gl))

Ilinniartitaanermut, Kultureqarnermut, Timersornermut Ilageeqarnermullu Naalackersuisoqarfik ([ikin@nanoq.gl](mailto:ikin@nanoq.gl))

Aatsitassanut Inatsisillu Atuutsinneqarnerannut Naalackersuisoqarfik ([asn@nanoq.gl](mailto:asn@nanoq.gl))

Nunalerinnermut, Imminut Pilersornermut, Nukissiutitut Avatangiisinullu Naalackersuisoqarfik ([pan@nanoq.gl](mailto:pan@nanoq.gl))

Meeqqanut, Inuusuttunut Ilaqutariinnullu Naalackersuisoqarfik ([ian@nanoq.gl](mailto:ian@nanoq.gl))

Peqqissutsimut Naalackersuisoqarfik ([pn@nanoq.gl](mailto:pn@nanoq.gl))

Kommune Kujalleq ([kommune@kujalleq.gl](mailto:kommune@kujalleq.gl))

Kommuneqarfik Sermersooq ([kommuneqarfik@sermersooq.gl](mailto:kommuneqarfik@sermersooq.gl))

Qeqqata Kommunian ([qeqqata@qeqqata.gl](mailto:qeqqata@qeqqata.gl))

Kommune Qeqertalik ([qeqertalik@qeqertalik.gl](mailto:qeqertalik@qeqertalik.gl))

Avannaata Kommunian ([avannaata@avannaata.gl](mailto:avannaata@avannaata.gl))

Kalaallit Nunaanni naalagaaffiup sinniisua ([ro@gl.stm.dk](mailto:ro@gl.stm.dk))

Ineqarneq pillugu Maalaaruteqartarfik – Atuisartoqarnermut Unammilleqatigiinnermullu Aqutsisoqarfik ([aua@nanoq.gl](mailto:aua@nanoq.gl))

Nukissiorfiit ([kundeservice@nukissiorfiit.gl](mailto:kundeservice@nukissiorfiit.gl))

Nusuka ([nusuka2004@gmail.com](mailto:nusuka2004@gmail.com))

Sulisitsisut ([ga@ga.gl](mailto:ga@ga.gl))

Kalaallit Nunaanni Politiit ([grr-politi@politi.dk](mailto:grr-politi@politi.dk) og [grr-lesek@politi.dk](mailto:grr-lesek@politi.dk))

SIK ([sik@sik.gl](mailto:sik@sik.gl))

PK-mi siulittaasoq ([formanden@pk.gl](mailto:formanden@pk.gl))

Mittarfeqarfiit ([mit@mit.gl](mailto:mit@mit.gl))

Asiaq ([asiaq@asiaq.gl](mailto:asiaq@asiaq.gl))

AK ([aknuuk@ak.gl](mailto:aknuuk@ak.gl))

IMAK ([imak@imak.gl](mailto:imak@imak.gl))

NPK ([info@npk.gl](mailto:info@npk.gl))

ASG ([asg@asg.gl](mailto:asg@asg.gl))

KANUNUPE ([kanunupe@gmail.com](mailto:kanunupe@gmail.com) imaluunniit [kanunupe@greennet.gl](mailto:kanunupe@greennet.gl) )

Tusarniaanermi akissuteqaatini tiguneqartuni pingaarnerit Ilanngussaq 2-mi imaqarnersiorneqarlutillu oqaaseqarfigineqarput.

**Siunnersuummi aalajangersakkanut ataasiakkaanut nassuiaatit***§ 1-imut*

Nr. 1-imut.

§ 19-ip tamakkerlugu oqaasertalerneqarneranik siunnersuut imaqarpoq. Siunnersuutip kingunerisaanik § 19-imi imm. 2 kiisalu imm. 5 allanngortinneqarput. § 19-imi aalajangersakkat sinneri allanngortinnagit attatiinnarneqarput.

Imm. 1-imut

Iluarsartuussinissanut taarsigassarsisitsisoqarsinnaavoq. Kisianni pitsanngorsaannissanut imaluunniit alliliinissanut taarsigassarsisitsisoqarsinnaangilaq. Inissiap angissusaanut imaluunniit pisoqaassusaanut piunasaqaateqanngilaq.

Inissiap pioreersup soraarnerussutisialimmit inissiatut atorneqartup iluarsartuunneqarnissanut taarsigassarsisitsisoqarsinnaavoq. Soraarnerussutisiaqartup aappanilu marluullutik inissiamik kisimiillutik piginnittuunissaat aamma piunasaqaataavoq.

Inissiamik piginnittuunerup agguataarneqarsimanissanut piunasaqaatitaqanngilaq.

Pingaartumik silap pissusaanut illersuutit pilersuutillu, soraarnerussutisialillu nammineq inissiamini najugaqaannarnissanut periarfissagissaarnerunissanut iluaqutaasinnaasunik pilersaarutaasumik aserfallatsaaliuineq, iluarsartuussinertut isigineqarpoq.

Iluarsartuussinerit tassaasinnaapput inissiami silap pissusaanut illersuutit piunnaanerinik annertusaanerit, igalaat matullu silarliit, qaliat, innaallagissamik pilersuinermit atortut, kuuffiit, isaarissat, naqitsineq iluaqutigalugu imermut kuuffiit assigisaallu kiisalu avatangiisinut nukissiuutinillu pitsanngorsaannissamik siunertallit.

Imm. 2-mut

Inissiat nammineq pigineqartut iluisa silaannaasa radoneqassusiinik annikillisaaniarnernut, kommunalbestyrelsi erniaqanngitsunik akiliutitaqanngitsunillu 100.000 koruunit tikillugit taarsigassarsisitsisinnaassasoq siunnersuutigineqarpoq. Inissianut soraarnerussutisialimmit inigineqartunut taarsigassarsisitsisoqarsinnaavoq. Soraarnerussutisiaqartup aappanilu marluullutik inissiamik kisimiillutik piginnittuunissaat aamma piunasaqaataavoq. Inissiamik piginnittuunerup agguataarneqarsimanissanut piunasaqaatitaqanngilaq.

Illup iluata silaannaani radonimut killiliussat taakkualu uuttortarneqartarnerat § 21, imm. 2-mut siunnersuummi tassungalu nassuiaatini erseqqinnerusumik nassuiarneqarput.

Inissiamut pineqartumut ataasiaannarani taarsigassarsitinneqarnissamik, annerpaamilli 100.000 koruuninik, qinnuteqartoqarsinnaavoq. Inissiap iluata silaannaata radoneqassusianik annikillisaanissamut assersuutigalugu 50.000 koruuninik taarsigassarsisitsisoqarsimassappat, piginnittoq nutaaq qaavatigut annerpaamik 50.000 koruuninik taarsigassarsisinnaassaaq.

Inissiap iluata silaannaata radoneqassusianik annikillisaanissami aningaartuutissanit annikin-nerusumik taarsigassarsisitsisarnissamut kommunalbestyrelsi suleriaasissiorsinnaavoq.

§ 19-imi imm. 1 aamma 2 naapertorlugit kommunalbestyrelsi ataatsikkut taarsigassarsisitsis-  
sinnaavoq. Taamaattumik iluarsartuussinernut il.il. 300.000 koruunit tikillugit taarsigassarsi-  
sitsisoqarsinnaavoq, inissiallu iluata silaannaata radoneqassusianik annikillisaanissamut  
100.000 koruunit tikillugit taarsigassarsisitsisoqarsinnaalluni.

Imm. 3-mut

Soraarnerussutisiaqartutut isigineqarput inuit utoqqalinersiuteqarsinnaatitaasut,  
siusinaartumik soraarnerussutisiaqarsinnaatitaasut imaluunniit tjenestemandit  
soraarnerussutisiaqartut.

Utoqqalinersiaqarneq pillugu Inatsisartut inatsisaat naapertorlugu utoqqalinersiaqarnissaminut  
pineqartoq piumasaqaatinik naammassinnissimasutut aalajangiisoqarsimatillugu, inuk  
utoqqalinersiaqarsinnaatitaasutut isigineqarpoq.

Siusinaartumik soraarnerussutisiat pillugit Inatsisartut inatsisaat naapertorlugu siusinaartumik  
soraarnerussutisiaqarnissaminut pineqartoq piumasaqaatinik naammassinnissimasutut  
aalajangiisoqarsimatillugu, inuk siusinnaartumik soraarnerussutisiaqarsinnaatitaasutut  
isigineqarpoq.

Soraarnerussutisiallit inissiamik piginneqataasut, inissiamilu najugaqartut tamarmik, kapitali  
manna naapertorlugu taarsigassarsitinneqarnissaminnik qinnuteqarsinnaapput.

Assersuutigalugu attartortuunermiit piginnittuunermut aaqqiissut naapertorlugu inissianut  
nammineq pigineqalersimasunut aamma atuuppoq, tak. Namminersornerullutik Oqartussat  
kommunillu inissiaataasa attartortittakkat pigisatut inissiannortissinnaaneratt pillugu  
Inatsisartut peqqussutaanni malittarisassat. Taamaakkaluartoq inissianik iluarsartuussinermut  
pitsanngorsaanermulluunniit pisortanit tapiiffigineqartut, tapiissutit imaluunniit  
aningaasalersuineq pillugu inatsisinut allanut ilaasunut inissianut  
taarsigassarsisitsisoqarsinnaangilaq, tak. illuliortiternernut aningaasalersuineq pillugu  
inatsisartut inatsisaanni § 1-imi imm. 3.

Imm. 4-mut

Soraarnerussutisialik katissimanngitsoq inersimasumik najugaqateqarnersoq inuit  
allattorsimaffiatigut uppersarnerqarsinnaavoq. Katissimanngitsut katissimanermut  
assingusumik inooqateqarnerisut misissussallugu tunngavissaqarsinnaavoq. Katissimanermut

assingusumik inooqateqarnerseq imaluunniit inooqateqannginnersoq naliliinissami, assersuutigalugu ataatsimoorussamik aningaasaqarneq, aapparisarlu meeraqarneq, feriaqatigiittarnerit il.il. qinnuteqartup nammineerluni paasisutissiissutigisai naapertorlugit nalilerneqassaaq.

Inuit nalunaarsorneqartarnerat pillugu Kalaallit Nunaanni nalunaarut nr. 1198, 29. november 2006-imeersoq naapertorlugu inuit nalunaarsorsimaffiat naapertorlugu najukkap nalunaarsornissaa pisussaaffiuvoq.

Qinnuteqartoq najugaqateqaruni, assersuutigalugu ilaqttaminik, katissimanermut assingusumik inooqateqanngilaq.

Imm. 5-imut

Kapitali 3-mi kapitali 4-milu aalajangersakkat naapertorlugit kiisalu kapitali 4a-mi aalajangersakkat naapertorlugit ataatsikkut taarsigassarsisitsisoqarsinnaannginnera ersarissarneqarpoq.

Kapitali 3 aamma peqatigisaanik kapitali 4 naapertorlugit iluarsartuussinissamut taarsigassarsisitsisoqarsinnaanngilaq. Soraarnerussutisiallip qinnuteqaatini nassiutsinnagu, kapitali 3 imaluunniit kapitali 4 naapertorlugu taarsigassarsitinneqarnissaminik qinnuteqarniarnerluni aalajangersimasariaqarpoq.

Nr. 2-mut

Inissiap iluata silaannaata radoneqassusianik annikillisaanissamut kommunit 100.000 koruunit tikillugit taarsigassarsisitsinissamut piginnaatinneqarnissaannik siunnersuuteqarnerup kingunerisaanik, § 21-mi tunngavissanik arlalinnik allannguisoqassasoq siunnersuutigineqarpoq.

Imm. 1-imi, nr. 1-imut

Soraarnerussutisialinnut ileqqaagaqarsimanngitsunut imaluunniit inissiaminnik pilersaarutaasumik aserfallatsaaliuinissaminnut imaluunniit inissiap iluata silaannaata radoneqassusianik annikillisaanissaminnut, aningaaserivimmi imaluunniit illuummik qularnaveeqqusiilluni taarsigassarsisitsisarfimmi taarsigassarsinermikkut aningaasalersuisinnaanngitsunut taarsigassarsisitsisarneq pineqarpoq.

Taamaattumik iluarsartuussinissamut imaluunniit inissiap iluata silaannaata radoneqassusianik annikillisaanissamut taarsigassarsisitsinissami, aningaaserivimmi imaluunniit illuummik qularnaveeqqusiilluni taarsigassarsisitsisarfimmi nalinginnaasumik piumasaqaatit malillugit taarsigassarsinissamut qinnuteqartoqarsimanissaa, itigartitaasimanissarlu piumasaqaataavoq. Inissiap iluarsartuunneqarnissaata imaluunniit inissiap iluata silaannaata radoneqassusianik



annikillisaanissap aningaasalersorneqarnissaanut taarsigassarsisitsinissap itigartitsissutigineqarsimanera, itigartitsissummi allassimassaaq.

Imm. 1-imi, nr. 2-mut

Iluarsartuussinissanut imaluunniit inissiap iluata silaannaata radoneqassusianik annikillisaanissamut taarsigassarsisitsinerit erniaqanngitsumik akiliutitaqanngitsumillu taarsigassarsisitsinerupput. Inissiap qularnaveeqqusiunneratigut kommunalbestyrelsip taarsigassarsiissutigisai qulakkeerneqassapput, tak. § 22.

Inissiap ikuallattoornissaanut sillimmaserneqarnerani akiliutissatigut kinguaattooqqaneq, inissiamilu sillimmaserneqarsimanngitsumi ajoqusersimanerit kommunalbestyrelsip inissiamik qularnaveeqqusiineranut annertuumik ajutoorutaasinnaammata, inissiap ikuallattoornissamut inissiallu ajoqusersinnaaneranut sillimmaserneqarnerani akiliutissap akilerneqarsimannginnera itigartitsinissamut tunngavissaavoq, tak. § 24-mi imm. 1-imi nr. 1.

Qinnuteqartoq qinnuteqarnerup nalaani inissiani sillimmasersimanngikkuniuk imaluunniit sillimmaserneqarnissaani akiliutissani akilersimanngikkuniuk, qinnuteqaat suliarineqassaguni isumassaqanngilaq, soorluttaaq taarsigassarsisitsinissamik siumut neriorsuuteqarnissaq isumassaqanngitsoq.

Imm. 1-imi, nr. 3-mut

Iluarsartuussinissanut imaluunniit inissiap iluata silaannaata radoneqassusianik annikillisaanissamut kommunalbestyrelsip taarsigassarsisitsinera, inissiap tamakkiisumik qularnaveeqqusiunneratigut qulakkeerneqassaaq, tak. § 22. Inissiat aappariinnit peqatigiillutik pigineqartut iluarsartuunneqarnissaannut imaluunniit inissiap iluata silaannaata radoneqassusiata annikillisarneqarnissaanut taarsigassarsisitsisoqarsinnaavoq. Taamaattumik iluarsartuussinissamut imaluunniit inissiap iluata silaannaata radoneqassusianik annikillisaanissamut taarsigassarsiissutit, inissiami aappaasup pigisaanut aamma tunngassuteqarsinnaavoq. Taarsigassarsiissutit tunniunneqarnerinut atatillugu, inissiap tamakkerlugu qularnaveeqqusiullugu qularnaveeqqusiussaqarluni taarsigassarsinermi allagartamik aappaasoq atsiorsimasariaqarpoq.

Tamanna tunuliaqutaralugu iluarsartuussinissamik imaluunniit inissiap iluata silaannaata radoneqassusianik annikillisaanissamut, piginneqataalluni aappaasoq qinnuteqaammik akuersisimasariaqarpoq.

Imm. 2-mut

Inissiani nammineq pigineqartuni inissiap iluata silaannaata radoneqassusianik, Kalaallit Nunaanni Illuliornermut malittarisassani qaqugukkulluunniit atuuttuulluni killiliunneqartumik qaangiisimaneranik uppersaateqartillugu taarsigassarsisitsisoqarsinnaavoq.

Illuliornermut malittarisassani 2006-imeersuni imm. 11.4.2, imm. 1-imi aalajangersarneqarpoq ”Radonip akuisa illup iluata silaannaanut siaruaassinnaanissaat annikillisinniarlugu, illut 61°30’N-ip kujataani sananeqartut natip alluup ataani silaannarissakkamik qaarusuusalerneqassapput, imaluunniit nunap iluata tungaanut silaannarmut ussissunik sananeqaaserneqassallutik.”

Illuliornermut malittarisassani 2006-imeersuni imm. 11.4.2-mi inassutigineqarpoq, illuni pioreersuni 200 Bq/m<sup>3</sup> aamma 400 Bq/m<sup>3</sup> akornanni radoneqartillugu, pitsanngorsaanerit pisariitsut akikitsullu aallartinneqartassasut. Inassutigineqarpoq 400 Bq/m<sup>3</sup> qaangerlugu radoneqartillugu pitsanngorsaanerit sunniuteqarluarnerusussat aallartinneqartassasut. Illunut nutaanut inassutigineqarpoq radoneqarnerata 200 Bq/m<sup>3</sup> sinnersimassanngikkaa.

Illup iluata silaannaani radoneqarneranut Illuliornermut malittarisassani maannakkut killiliussaq tamanna tunngavigalugu 200 Bq/m<sup>3</sup>-mut naatsorsorneqarpoq.

WHO-p inassuteqaatai 2009-meersut naapertorlugit illup iluata silaannaata radoneqarnera 100 Bq/m<sup>3</sup> sinnerlugit annertussuseqartariaqanngikkaluarpoq. WHO-p inassuteqaatai kingusinnerusukkut Illuliornermut malittarisassat 2006-imeersut iluarsaanneqarneranni ilaatinneqassapput. Illuni nutaani radoneqarnerata 100 Bq/m<sup>3</sup> sinnersimassanngikkaa, Illuliornermut malittarisassat 2006-imeersut iluarsaanneqarneranni piumasaqaatigineqalissasoq, naatsorsuutigineqarpoq. Aammattaaq naatsorsuutigineqarpoq, illuni pioreersuni illup iluata silaannaata 100 Bq/m<sup>3</sup> aamma 200 Bq/m<sup>3</sup> akornanni radoneqarsimappat, iliuusissat pisariinnerusut akikinnerusullu suliarineqassasut, Illuliornermut malittarisassat 2006-imeersut iluarsaanneqarneranni inassutigineqassasoq. Illup iluata silaannaata radoneqarnera 200 Bq/m<sup>3</sup> sinnerlugu annertussuseqarpat, radoneqarneranik annikillisitsinnaasunik annertunerusunik iliuuseqartoqassasoq inassuteqaat ilanngunneqassasoq, naatsorsuutigineqarpoq.

Radoneqassuseq uuttuut Bq/m<sup>3</sup> atorlugu uuttortarneqartarpoq. Pinngoqqaat qinngornernik ulorianartunik akoqartoq radium nakkaalappat, Radon pilertarpoq. Radon nakkaalasarpoq, imaluunniit pinngoqqaatinut allanut allanngortarluni, tassungalu atatillugu qanittuaqqamut tuttartunik qinngornernik aniatitsisararluni. Silaannaap radoneqarnera Bq/m<sup>3</sup> atorlugu allanneqartarpoq, taannalu kubikmeterimut becquerel-ip naalisaatigaa.

Inissiap iluata silaannaata radoneqassusianik uuttortaaneq annertuumik nalorninarsinnaasarpog, nalornissutaasorlu nalinginnaasumik 25 Bq/m<sup>3</sup>-iusarluni. Radoneqassutsimik uuttortaa-simaneq 185-200 Bq/m<sup>3</sup>-iutillugu taarsigassarsitinneqarnissamik qinnuteqartoqartillugu kom-munalbestyrelsi taarsigassarsitsissalluni aalajangersinnaavoq, qinnuteqartorli aamma uuttortaaqqeqqusinnaallugu.

Imm. 3-mut

Kommunalbestyrelsimit taarsigassarsitineqassagaanni, aningaasartuutissat sinneri taarsigasarsitineqartumit aningaasalersorneqassasut piumasaqaataavoq. Suliassap taarsigassarsisitsissutigineqartup naammassineqarnissaanut tamanna qulakkeerineqataassaaq. Taarsigassarsisup aningaasalersuutissaminut aningaasalersuisinnaassuseqarneranik allassimalluni taarsigassarsisup aningaaserivianit naatsumik nalunaaruteqarneratigut, nammineq aningaasalersuisinnaaneq uppersarneqartarpoq. Aningaaserivimmit imaluunniit illuummik qularnaveeqqusiilluni taarsigassarsisitsisarfirmmit taarsigassarsinissamut itigartitaasimanerup nalunaarutigineqarnerani, nammineq aningaasalersuinissamut nalunaarut tunniunneqarsinnaavoq.

Nr. 3-mut

§ 24 c, inoqutigiinnut isertitakitsunut tapiissuteqarsinnaalernissamik siunertaqartoq, ilanngunneqarpoq.

Imm. 1-imut

Inissiani nammineq pigineqarlutik pioreersuni inissiap iluata silaannaata radoneqassusianik annikillisaanissamut kommunalbestyrelsi 100.000 koruunit tikillugit tapiissuteqarsinnaassasoq siunnersuutigineqarpoq. Inissiamut pioreersumut inunnit ukiuni kingullerni marlunni akileraarusigassanik ukiumut 300.000 koruunit inorlugit inoqutigiittut isertitaqarsimasunit pigineqartumut tapiissuteqartoqarsinnaavoq.

Illup iluata silaannaani radonimut killiliussat taakkualu uuttortarneqartarnerat § 24c, imm. 2, nr. 1-imut siunnersuummi tassungalu nassuiaatini erseqqinnerusumik nassuarneqarput.

Aaqqiissutip siunissamut aamma isigisuunissaa qulakkeerumallugu, inoqutigiit piffissami pineqartumi annertunerusumik isertitaqarnerat apeqqutaatinnagu siunissami qanittumi akileraarusigassanik ukiumut 300.000 koruunit inorlugit isertitaqartussatut naatsorsuutigineqartunut kommunalbestyrelsi annerpaamik 100.000 koruuninik tapiissuteqarsinnaavoq.

Siunissaq qaninnerusooq pineqartillugu ima paasineqassaaq, inoqutigiit ukiumut isertitaat 300.000 koruunit ataattussanngorlutik pissutsinik pisoqareersimassasoq. Assersuutigalugu qinnuteqartoq siusinaartumik soraarnerussutisiaqalersinneqarsimasinnaavoq imaluunniit soraarnermusiaqalersinneqarsimasinnaavoq, qinnuteqartoq nuleersimasinnaavoq/ uillarsimasinnaavoq imaluunniit aappani annaasimasinnaavaa, taamaattumillu qinnuteqartut inoqutigiillutik akileraarusigassanik isertitaat siornatigornit ataavartumik ajorseriangaatsiarsimasutut naatsorsuutigineqartariaqarluni.

§ 24a-mi imm. 3 assinganik atuuppoq. Taassumap kingunerisaanik qitornaasunut 18-it inorlugit ukiulinnut inunnik nalunaarsuisarfirmmi angajoqqaaminniittutut nalunaarsorneqarsimasunut tamanut immikkut, isertitatigut killissaasoq 4.000 koruuninik annertusineqartassaaq. Taamaattoq qitornaasunut annerpaamik arfinilinnut atuuppoq. Taamaallilluni isertitatigut killissarititaasoq annerpaamik 24.000 koruuninik annertusineqarsinnaavoq.

Inissiap iluata silaannaata radoneqassusianik annikillisaanissami aningaasartuutissanit annikinnerusumik tapiissuteqartoqartillugu kommunalbestyrelsi suleriaasissamik aalajangersaasinnaavoq.

§ 24a, siunnersuummilu § 24c naapertorlugit kommunalbestyrelsi ataatsikkut tapiissuteqarsinnaavoq. Taamaattumik iluarsartuussinernut il.il. 150.000 koruunit tikillugit tapiissuteqartoqarsinnaavoq, inissiallu iluata silaannaata radoneqassusianik annikillisaanissamut 100.000 koruunit tikillugit tapiissuteqartoqarsinnaalluni.

Inissiamik piginnittuullutik inissiami najugalinnut tapiissuteqartoqarsinnaavoq. Inissiani attartortinneqartuni inissiat iluisa silaannaasa radoneqassusiinik annikillisaaniarnernut tapiissuteqartoqarsinnaanngilaq.

Imm. 2-mi nr. 1-imut

Inissiani nammineq pigineqartuni inissiap iluata silaannaata radoneqassusissaanik, Kalaallit Nunaanni Illuliornermut malittarisassani qaqugukkulluunniit atuuttuulluni killiliunneqartumik qaangiisimaneranik uppersaateqartillugu tapiissuteqartoqarsinnaavoq.

Illuliornermut malittarisassani 2006-imeersuni imm. 11.4.2, imm. 1-imi aalajangersarneqarpoq ”*Radonip akuisa illup iluata silaannaanut siaruaassinnaanissaat annikillisinnaarlugu, illut 61°30'N-ip kujataani sananeqartut natip alliup ataani silaannarissakkamik qaarusuusalernerqassapput, imaluunniit nunap iluata tungaanut silaannarmut ussissunik sananeqaaserneqassallutik.*”

Illuliornermut malittarisassani 2006-imeersuni imm. 11.4.2-mi inassutigineqarpoq, illuni pioreersuni 200 Bq/m<sup>3</sup> aamma 400 Bq/m<sup>3</sup> akornanni radoneqartillugu, pitsanngorsaanerit pisariitsut akikitsullu aallartinneqartassasut. Inassutigineqarpoq 400 Bq/m<sup>3</sup> qaangerlugu radoneqartillugu pitsanngorsaanerit sunniuteqarluarnerussat aallartinneqartassasut. Illunut nutaanut inassutigineqarpoq radoneqarnerata 200 Bq/m<sup>3</sup> sinnersimassanngikkaa.

Illup iluata silaannaata radoneqarneranut Illuliornermut malittarisassani maannakkut killiliussaqaq tamanna tunngavigalugu 200 Bq/m<sup>3</sup>-mut naatsorsorneqarpoq.

WHO-p inassuteqaatai 2009-meersut naapertorlugit illup iluata silaannaata radoneqarnera 100 Bq/m<sup>3</sup> sinnerlugit annertussuseqartariaqanngikkaluarpoq. WHO-p inassuteqaatai kingusinnerusukkut Illuliornermut malittarisassat 2006-imeersut iluarsaanneqarneranni ilaatinneqassapput. Illuni nutaani radoneqarnerata 100 Bq/m<sup>3</sup> sinnersimassanngikkaa, Illuliornermut malittarisassat 2006-imeersut iluarsaanneqarneranni piumasqaatigineqalissasoq, naatsorsuutigineqarpoq. Naatsorsuutigineqarporli, illuni pioreersuni illup iluata silaannaata 100 Bq/m<sup>3</sup> aamma 200 Bq/m<sup>3</sup> akornanni radoneqarsimappat,

iliusissat pisariinnerusut akikinnerusullu suliarineqassasut, Illuliornermut malittarisassat 2006-imeersut iluarsaanneqarneranni inassutigineqassasoq. Illup iluata silaannaata radoneqarnera  $200 \text{ Bq/m}^3$  sinnerlugu annertussuseqarpat, radoneqarneranik annikillisisinnaasunik annertunerusunik iliuseqartoqassasoq inassuteqaat ilanngunneqassasoq, naatsorsuutigineqarpoq.

Radoneqassuseq uuttuut  $\text{Bq/m}^3$  atorlugu uuttortarneqartarpoq. Pinngoqqaat qinngornernik ulorianartunik akoqartoq radium nakkaalappat, Radon pilertarpoq. Radon nakkaalarpoq, imaluunniit pinngoqqaatinut allanut allanngartarluni, tassungalu atatillugu qanittuaqqamut tuttartunik qinngornernik aniatitsisararluni. Silaannaap radoneqarnera  $\text{Bq/m}^3$  atorlugu allanneqartarpoq, taannalu kubikmeterimut becquerel-ip naalisaatigaa.

Inissiap iluata silaannaata radoneqassusianik uuttortaaneq annertuumik nalorninarsinnaasarpog, nalornissutaasorlu nalinginnaasumik  $25 \text{ Bq/m}^3$ -iusarluni. Radoneqassutsimik uuttortaa-simaneq  $185\text{-}200 \text{ Bq/m}^3$ -iutillugu tapiiffigineqarnissamik qinnuteqartoqartillugu kommunal-bestyrelsi tapiissuteqassalluni aalajangersinnaavoq, qinnuteqartorli aamma uuttortaaqqeqqu-sinnaallugu.

Imm. 2-mi nr. 2-mut

Inunnut nalinginnaasumik ileqqaagaqarsimanngitsunut imaluunniit inissiap iluata silaannaata radoneqassusianik annikillisaanissaminut aningaaserivimmi imaluunniit illuummik qularnaveeqqusiilluni taarsigassarsisitsisarfirmi taarsigassarsinermikkut aningaasalersuisinnaangitsunut tapiissuteqartarneq pineqarpoq.

Taamaattumik inissiap iluata silaannaata radoneqassusianik annikillisaanissamut tapiissuteqarnissami, aningaaserivimmi imaluunniit illuummik qularnaveeqqusiilluni taarsigassarsisitsisarfirmi nalinginnaasumik piumasaqaatit malillugit taarsigassarsinissamut qinnuteqartoqarsimanissaa, itigartitaasimanissarlu piumasaqaataavoq. Inissiap iluata silaannaata radoneqassusianik annikillisaanissap aningaasalersorneqarnissaanut taarsigassarsisitsinissap itigartitsissutigineqarsimanera, itigartitsissummi allassimassaaq.

Imm. 3-mut

Kommunalbestyrelsimit tapiiffigineqassagaanni, aningaasartuutissat sinneri qinnuteqartumit aningaasalersorneqassasut piumasaqaataavoq. Suliassap tapiiffigineqarnissaanik qinnutigineqartup naammassineqarnissaanut tamanna qulakkeerineqataassaaq. Qinnuteqartup aningaasalersuutissaminut aningaasalersuisinnaassuseqarneranik allassimalluni taarsigassarsisup aningaaserivianit naatsumik nalunaaruteqarneratigut, nammineq aningaasalersuisinnaaneq uppernarsarneqartarpoq. Aningaaserivimmit imaluunniit illuummik qularnaveeqqusiilluni taarsigassarsisitsisarfirmi taarsigassarsinissamut itigartitaasimanerup nalunaarutigineqarnerani, nammineq aningaasalersuinissamut nalunaarut tunniunneqarsinnaavoq.

## Imm. 4-mut

Aalajangersagaq Naalakkersuisunut piginnaatitsinissamut aalajangersagaavoq. Suliassanut sunut tapiissuteqartoqarsinnaanerani Naalakkersuisut malittarisassiorsinnaapput. Assersuutigalugu illuliornermut malittarisassani qaqugukkulluunniit atuuttuni suliassatut malittarisassaliuunneqarsimasunut imaluunniit allaatigineqarsimasunut taamaallaat tapiissuteqartoqarsinnaassasoq malittarisassiortoqarsinnaavoq. Suliassanut tapiissuteqarfigineqartunut assigiissarinissap qulakkeerneqarnissaanut piginnaatitsissut assersuutigalugu atorneqarsinnaavoq.

## Nr. 4-imut

§ 28 tamakkerlugu oqaasertalerneqarnerani siunnersuut imaqarpoq. Imm. 1-imi kiisalu imm. 4-mi tunngavissanik iluarsissuteqarnermik kiisalu immikkoortumik nutaamik 3-mik ilassuteqarnermik siunnersuut kinguneqarpoq. § 28-mi aalajangersakkat sinneri allanngortinnagit attatiinnarneqarput.

## Imm. 1-imut

Tunngavissanik iluarsissuteqarneq pineqarpoq, taamaalilluni kapitali 3 aamma 4 naapertorlugit taarsigassarsitinneqarnissamik qinnuteqaat kiisalu kapitali 4a naapertorlugu tapiiffigineqarnissamik qinnuteqaat kommunalbestyrelsimut allaganngorlugu nassiuunneqassasoq. Qinnuteqaat faxikkut imaluunniit nassiuunneqartussat scanneriarlugit mailikkut aamma nassiuunneqarsinnaavoq. Kommunalbestyrelsip paasisutissanik, pappiaqqanillu pingaaruteqartunik tigusinissaa, allakkatigut qinnuteqarnerup qulakkiissavaa.

## Imm. 2-mut

Iluarsartuussinissamik, pitsanngorsaanissamik imaluunniit alliliinissamik kissaatigineqartup nassuiaataanik, taarsigassarsitinneqarnissamik qinnuteqaat ilaqartinneqassaaq. Taarsigassarsitinneqarnissaminik qinnuteqartoq ingeniørimik siunnersorteqarsimaguni, taassumap pilersaarummik nassuiaasiaa ilanngullugu nassiuunneqarsinnaavoq. Qinnuteqartup assersuutigalugu suut pitsanngorsarusunnerlugit kissaatigisani pappiaqqamut naatsumik aamma allaaserisinnaavai. Suliassamut tamakkiisumik aningaasartuutissanut missiliuut qinnuteqaammut aamma ilanngunneqassaaq. Sanasumit neqeroorut imaluunniit tamakkiisumik aningaasartuutissat pillugit taarsigassarsitinneqarnissaminik qinnuteqartup aningaaseriviata naatsorsuusaa, taarsigassarsitinneqarnissaminik qinnuteqartup nalinginnaasumik ilanngutissavaa. Kiisalu tamakkiisumik aningaasartuutissat pillugit, taarsigassarsitinneqarnissaminik qinnuteqartoq nammineerluni nassuiaasiorsinnaavoq.

Suliassaq pineqartoq nunaminertamik atugassinneqarnissamik pisariaqartitsippat kommunalbestyrelsimit nunaminertamik immikkoortitsineq imaluunniit nunaminertamik atugassinneqarneq qinnuteqaammut ilanngunneqassaaq. Nammineq aningaasalersuisinnaanermut uppernarsaat, qinnuteqaammut aamma ilanngunneqassaaq.

Nammineq aningaasalersuisinnaanermut uppersarsaat nalinginnaasumik taarsigassarsitinneqarnissaminik qinnuteqartup aningaaserivianit, taarsigassarsitinneqarnissaminik qinnuteqartup nammineq aningaasalersuinissaminut periarfissaqarneranik allassimalluni uppersarsarneqartarpoq. Kiisalu qinnuteqartup najugaqarnermut allagartaa, qinnuteqartup kinaaneranik ersarissumik uppersarsaallunilu qinnuteqartup inissiami najugaqarneranik ilumut uppersarsaasoq qinnuteqaammut ilanngunneqassaaq.

Kiisalu qinnuteqartup pisortanut akiitsoqarnera pillugu Akiliisitsiniarnermut oqartussaniit nalunaarut qinnuteqartup nassiutissavaa. Pisortanut akiitsut akilerneqarsimanngitsut, Akiliisitsiniartarfiup paasissutissiissutigissavai.

#### Imm. 3-mut

Inissiani nammineq pigineqarlutik pioreersuni inissiap iluata silaannaata radoneqassusianik uuttortaaneq, Naalakkersuisut qaqugukkulluunniit ilitsersuusiat innersuussutaallu naapertorlugit pissapput. Ineqarnermut, Attaveqarnermut Angallannernullu Naalakkersuisoqarfiup atuagaarialaa "Radon inissiarlu" 2012-imi decembarimeersoq innersuussutigineqarpoq. Atuagaaraq uunga aaneqarsinnaavoq: [http://www.byginform.gl/media/1336/radon\\_inissiallu.pdf](http://www.byginform.gl/media/1336/radon_inissiallu.pdf)

Uuttortaannermi uuttuutit matoqqasut qassit atorneqarsimanersut, inissiamilu sumut inissinneqarsimanersut kiisalu qanoq siviisutigisumik uuttortaasoqarsimanersoq taarsigassarsitinneqarnissamik imaluunniit tapiiffigineqarnissamik qinnuteqarnermi paasissutissiissutigineqassaaq. Uuttuutit matoqqasut pillugit misissueqqissaarnermi nalunaarusiaq, misissueqqissaartarfimmit suliarineqassaaq.

Kiisalu radon pillugu ilisimasaqarluni sanaartukkanik immikkut ilisimasalik, inissiap iluata silaannaata radoneqassusianik annikillisaanissamut siunnersuuteqarluni allakkiussaaq. Allakkiaq siunnersortaalluni ingeniorimit aallaavittut suliarineqassasoq nalilerneqarpoq. Inissiani pioreersuni inissiap iluata silaannaata radoneqassusianik annikillisaanissamut misilittagaqarnermik imaluunniit ilinniagaqarsimanermik uppersarsaanikkut, naliliisoqarneratigut allakkiaq sulisartunit suliarineqarsinnaassaaq.

#### Imm. 4-mut

Tunngavissanik iluarsisuteqarneq pineqarpoq, taamaalilluni taarsigassarsisitsisoqarsinnaanersoq imaluunniit tapiissuteqartoqarsinnaanersoq kommunalbestyrelsi isummertussanngorlugu.

#### Nr. 5-imut

Siunnersuut Inatsisartut inatsisaanni atuuttumi § 30-mut naapertuuppoq. Aalajangersakkami tunngavik iluarsineqarpoq, taamaalilluni tapiissuteqartarneq aamma pineqarterlugu. Aalajangersagaq allatigut allannguiffigineqanngilaq.

#### Imm. 1-imut

Taarsigassarsisitsinissamik imaluunniit tapiissuteqarnissamik qinnuteqaat kommunalbestyrelsimit akuerineqarpat, neriorsuummik qinnuteqartoq tunineqassaaq. Taarsigassarsiaritinneqartut imaluunniit tapiissutigineqartut annertussuserigallagassaat, neriorsuuteqarnermilu piumasaqaatit allassimassapput. Sanaartornissamik qinnutigineqartoq, akuerineqartorlu neriorsuummi allassimassaaq.

#### Imm. 2-mut

Sanaartornissamik qinnutigineqartumi aningaasartuutissanut missiliutaasoq sipporneqartoq paasineqarpat, qinnuteqartoq pisariaqanngitsumik kinguarsaanani tamanna kommunalbestyrelsimut nalunaarutigissavaa. Missiliuutinut allannortunut, annertusisunullu kommunalbestyrelsi isummernissaminut periarfissinneqassaaq.

Neriorsuummik qaffaanissaminut kommunalbestyrelsi itigartitsisinnaavoq, assersuutigalugulu pilersaarutip allannortinnissaanik qinnuteqartoq kaammattorlugu. Kommunalbestyrelsi neriorsuummik tamakkiisumik, ilaannakortumilluunniit qaffaasinnaavoq.

Qinnuteqartoq pisariaqanngitsumik kinguarsaanani kommunalbestyrelsimut nalunaaruteqanngippat, inaarutaasumik taarsigassarsiissutigineqartut imaluunniit tapiissutigineqartut neriorsuummit annertunerusinnaanngillat. Aningaasartuutissanut missiliuutaasut sipporneqassasut naatsorsuutigineqarsinnaasoq qinnuteqartumit paasinarsineranit, sapaatip akunneri marluk sisamallu iluini tamanna qinnuteqartup kommunalbestyrelsimut nalunaarutigissavaa.

#### Nr. 6-mut

Siunnersuut Inatsisartut inatsisaanni atuuttumi § 31-mut naapertuuppoq. Aalajangersakkami tunngavik iluarsineqarpoq, taamaalilluni tapiissuteqartarnejq aamma pineqartilerlugu. Aalajangersagaq allatigut allannguiffigineqanngilaq.

#### Imm. 1-imut

Taarsigassarsiissutit imaluunniit tapiissutit inaarutaasumik annertussusissaat, sanaartornermi inaarutaasumik naatsorsuutit uppernarsarneqarsimasut tiguneqarpat aatsaat naatsorsorneqarsinnaapput. Sanaartornermi inaarutaasumik naatsorsuutit suliamut attuumassuteqanngitsumit suliarineqarnissaat, atsiorneqarnissaallu qinnuteqartup akisussaaffigaa. Sanaartornermi naatsorsuutit assersuutigalugu taarsigassarsitinneqartup aningaasaqarnikkut siunnersortaanit, kukkunerisuisuanit, sanatitsisutut siunnersortaanit imaluunniit sulisartumit sanaartornermik suliarqarsimasumit suliarineqarsinnaallutillu atsiorneqarsinnaapput.

Assersuutigalugu pilersaarusernermut aningaasartuutit, sulisartunut aningaasartuutit, sanaartorfigissaaneq, sanaartornissaq pillugu allaffissornermut, aningaaserivimmi taarsigassarsitin-



neqarnissamik suliamut aningaasartuutit, sanaartornermut taarsigassarsiat erniaat, eqqartuus-sissuserisup akissarsiai, qularnaveeqqusiussaqaarluni taarsigassarsinermi allagartap naqissuser-neqarneranut nalunaarsorneqarneranullu aningaasartuutit, sanaartornermik nakkutilliinermut aningaasartuutit, aningaasartuutillu allat sanaartornermut attuumassuteqartut sanaartornermi naatsorsuutini ilanngunneqarsinnaapput. Aningaasartuutit attuumassuteqartut tamaasa ilanngutissallugit qinnuteqartup akisussaaffigaa.

Sanaartornermi naatsorsuutini aningaasartuutit sanaartornermut attuumassuteqarnerisut kommunalbestyrelsip naliliiffigisinnaavaa.

Imm. 2-mut

Qinnuteqartup nammineerluni suliai, tamakkiisumik aningaasartuutit naatsorsorneqarnerini aallaavittut ilanngunneqassanngillat. Taarsigassarsitinneqarnissaminik qinnuteqartup nammineerluni suliarisimasai, illersorneqarsinnaasumik suliarineqarsimanersut nalinginnaasumik nalileruminaassaaq. Taamaalilluni qinnuteqartup nammineq sulinerata nalinga aamma nalileruminaassalluni.

Qinnuteqartup sanasutut, ruujorilerisutut innaallagisserisutullu il.il. ilinniarsimanerminut atatillugu nammineq suliai aalajangersakkami ilaatinneqanngitsut ersarissarneqarpoq. Sanaartornermut atatillugu qinnuteqartup nammineerluni suliai suliffeqarfimmi naatsorsuutit inernerinut, nammineerlunilu nalunaarsuiffimmut ilaatinneqassasut piumasqaataavoq.

Taamaalilluni sanasutut namminersortoq kommunalbestyrelsimit taarsigassarsitinneqarsimal-luni imaluunniit tapiiffigiineqarsimal-luni sanaartornermi suliaqarsinnaavoq. Taamaakkaluar-toq suliap nalingata naatsorsornera, sanasutut suliffeqarfiup naatsorsuutaasa inernerinut, nammineerlunilu nalunaarsuiffimmut assinganik ilanngunneqarsimanera uppernarsarneqassaaq.

Nr. 7-imut

Siunnersuut tunngavissanik iluarsineruvoq. Immikkoortoq pineqartoq taarsigassarsiissutinik, tapiissutinillu tunniussisarnermut tunngassuteqarpoq.

Nr. 8-mut

Aalajangersagaq § 34 a nutaajuvoq. Iluarsartuussinernut il.il. kiisalu inissiap iluata silaannaata rado-neqassusianik annikillisaaniarnermut tapiissutinik tunniussisarnermut siunnersuut maleruagassiivoq.

Imm. 1-imut

Sanaartornermi inaarutaasumik naatsorsuutit suliamut attuumassuteqanngitsumit suliarineqar-nissaat, atsiorneqarnissaallu tapiissuteqarfigineqartup akisussaaffigaa. Sanaartornermi naa-tsorsuutit assersuutigalugu taarsigassarsitinneqartup aningaasaqarnikkut siunnersortaanit, kuk-

kunersiuisuanit, sanatitsisutut siunnersortaanit imaluunniit sulisartumit sanaartormik suliaqarsimasumit atsiorneqarsinnaapput.

Inissiaq ikualattoornissamut, ajoqusernissanullu sillimmasersimaneqarneranik tapiissuteqarfigineqartoq uppersarneqassaaq.

Aningaasaliissutit kommunalbestyrelsip missingersuusiatut akuerisaanni ukiumi ilanngunneqarfianni, kommunalbestyrelsimit tapiissutit siusinnerpaamik tunniunneqarsinnaapput.

Tapiissutit entreprenørimut suliaqartumut toqqaannartumik tunniunneqarnissaannik kommunalbestyrelsi aalajangiisnaavoq. Tapiissutit suliat akilerneqarnerinut atorneqarneri Kommunilbestyrelsip qulakkiissavaa. Ilungersunartumik inissinnermi – tapiissutit nalinginnaasumik atuinermut ilanngunneqannginnissaat, tapiissutisimasorlu sulisartumut suliaqarsimasumut akilerneqanngitsunik akiitsoqalersinnginnissaa taassuma qulakkiissavaa.

Imm. 2-mut

Inissiamik pioreersumik alliliinissamut tapiissutinik tunniussinissami, alliliinerup naammassinneqarsimaneramik, illuliornermullu malittarisassanut kiisalu sanaartorneq pillugu inatsimmut atuuttumut naapertuunneranik qulakkeerisussamik, atuilernissamut akuersissuteqarnissaaq aamma piumasqaataavoq.

#### *§ 2-mut*

Allannguutissatut inatsit 2023-mi juulip aallaqqaataani atuutilissasoq siunnersuutigineqarpoq.

## Ilanngussaq 1

<b>Siunnersuummik Inatsisartut inatsisaannut atuuttumut nallersuussineq</b>	
<i>Oqaasertaliussaq atuuttoq</i>	<i>Allannguutissatut siunnersuut</i>
<p><b>§ 19.</b> Soraarnermusialimmit inissiatut atorineqartunut aamma soraarnermusiaqartoq taassumalu aapparinnagaa marluullutik inissiamik kisimiillutik pigineqartumut inissiamik pioreersumik iluarsaassinermut kommunalbestyrelsi 300.000 kr.-it tikillugit taarsigassarsisitsisinnaavoq.</p> <p><i>Imm. 2.</i> Soraarnermusiaqartutut isigineqarput inuit utoqqalinersiuteqarnissamik, siusinaartumik pensionisiaqarnissamik pisinnaatitaasut imaluunniit tjenestemand-itut pensionisiaqartut.</p> <p><i>Imm. 3.</i> Aappaasumut sanilliunneqarpoq nalunaarsorsimalluni aapparisaq, imaluunniit ukiuni 2-ini kingullerni inooqatigiissimappata, katissimanermut assingusumik inooqatigiinneq.</p> <p><i>Imm. 4.</i> Peqatigisaanik kapitali 3 naapertorlugu taarsigassarsisitsisoqarsinnaanngilaq.</p>	<p><b>1. § 19</b> ima oqaasertalerneqassaaq: ” <b>§ 19.</b> Soraarnerussutisiliaminnit inissiatut atorineqartumut aamma soraarnerussutisiaqartoq taassumalu aapparisaq marluullutik inissiamik kisimiillutik pigineqartumut inissiamik pioreersumik iluarsartuussinermut kommunalbestyrelsi 300.000 koruunit tikillugit taarsigassarsisitsisinnaavoq.”</p> <p><i>Imm. 2.</i> Soraarnerussutisialimmit inissiatut atorineqartumi aamma soraarnermusiaqartup taassumalu aapparisaata marluullutik inissiami kisimiillutik pigisaanni inissiap iluata silaannaata radoneqassusianik annikillisaaniarnermut Kommunalbestyrelsi 100.000 koruunit tikillugit taarsigassarsisitsisinnaavoq.”</p> <p><i>Imm. 3.</i> Soraarnerussutisiaqartutut isigineqarput inuit utoqqalinersiuteqarsinnaatitaasut, siusinaartumik soraarnerussutisiaqarsinnaatitaasut imaluunniit tjenestemanditut soraarnerussutisiaqartut.</p> <p><i>Imm. 4.</i> Aappaasumut sanilliunneqarpoq nalunaarsorsimalluni aapparisaq, imaluunniit ukiuni marlunni kingullerni inooqatigiissimappata, katissimanermut assingusumik inooqatigiinneq.</p> <p><i>Imm. 5.</i> Ataatsikkut kapitali 3-mi aalajangersakkat naapertorlugit taarsigassarsititsisoqarlunilu imaluunniit kapitali 4 a-mi aalajangersakkat naapertorlugit tapiissuteqartoqarlunilu, kapitali manna naapertorlugu taarsigassarsititsisoqarsinnaanngilaq.”</p>
<p><b>§ 21.</b> Iluarsaassinissamut taarsigassarsisitsinissamut, tak. § 19</p>	<p><b>2. § 21</b> ima oqaasertalerneqassaaq: ”<b>§ 21.</b> § 19-imi, imm. 1 aamma 2 naapertorlugit</p>

<p>piumasarineqarpoq:  1) Iluarsaassinerup aningaasalersornissaanut aningaaserivimmi imaluunniit illuummik qularnaveeqqusiilluni taarsigassarsisitsisarfimmi nalinginnaasumik piumasaqaatit malillugit taarsigassarsinissamut itigartitaasimaneq.  2) Inissiaq ikuallattoornissamut aamma illup ajoqusersinnaaneranut sillimmaserneqarsi-manissaa aamma sillimmasiinermi akiliutis-sani kinguaattoortoqarsimannginnissaa.  3) Inissiami piginneqataasup aappaasup ilu-arsaassinerup aamma taarsigassarsinissamut akuersisimanissaa.</p>	<p>taarsigassarsisitsinissami makkua piumasarineqarput:  1) Iluarsartuussinerup imaluunniit inissiap iluata silaannaata radoneqassusianik annikillisaaniarnerup aningaasalersornissaanut aningaaserivimmi imaluunniit illuummik qularnaveeqqusiilluni taarsigassarsisitsisarfimmi nalinginnaasumik piumasaqaatit malillugit taarsigassarsinissamut itigartitaasimaneq.  2) Inissiaq ikuallattoornissamut aamma illup ajoqusersinnaaneranut sillimmaserneqarsi-manissaa aamma sillimmasiinermi akiliutissani kinguaattoortoqarsimannginnissaa.  3) Katissimallugu aappaasup inissiamik piginneqataasutut iluarsartuussinerup imaluunniit inissiap iluata silaannaata radoneqassusianik annikillisaaniarnerup kiisalu taarsigassarsinissamut akuersisimanissaa.  <i>Imm. 2.</i> Inissiap iluata silaannaata radoneqassusissaanik Kalaallit Nunaanni Illuliornermut malittarisassani qaqugukkulluunniit atuuttulluni killiliunneqartumik qaangiisima-nissaa, tak. § 19-imi imm. 2, taarsigassarsisitsinissami aamma piumasaqaataavoq.  <i>Imm. 3.</i> Iluarsartuussinerup imaluunniit inissiap silaannaata radoneqassusianik annikillisaanissami tamakkiisumik aningaasartuutissat sinneri taarsigassarsitinneqartup nammineerluni aningaasalersussappagit taamaallaat taarsigassarsisitsisoqarsinnaavoq.”</p>
	<p><b>3. Kapitali 4 a-mi § 24 b-p kingorna ilanngunneqassaaq:</b>  ” § 24 c. Inunnit ukiuni kingullerni marlunni akileraarusigassanik ukiumut kr. 300.000 koruunit inorlugit inoqutigittut isertitaqarsimasunit imaluunniit inoqutigiit ulloq manna tikillugu isertitarisimasaat apeqqutaatinnagit siunissami qanittumi akileraarusigassanik ukiumut 300.000 koruunit inorlugit isertitaqartussatut</p>

	<p>naatsorsuutigineqartunit inissiani pigineqartuni atorneqartunilu, inissiat iluisa silaannaasa radoneqassusiinik annikillisaaniarnernut kommunalbestyrelsi 100.000 koruunit tikillugit tapiissuteqarsinnaavoq. § 24 a-mi, imm. 3 assinganik atuuppoq.</p> <p><i>Imm. 2.</i> Tapiissuteqarnissami piumasarineqarpoq:</p> <p>1) inissiap iluata silaannaata radoneqassusisaanik Kalaallit Nunaanni Illuliornermut mallittarisassani qaqugukkulluunniit killiliunneqartumik, inissiap iluata silaannaata radoneqassusaa qaangiisimanissaa,</p> <p>2) inissiap iluata silaannaata radoneqassusaanik annikillisaanissap aningaasalersornissaanut aningaaserivimmi imaluunniit illuummik qularnaveeqqusiilluni taarsigassarsisitsisarfimmi nalinginnaasumik piumasaqaatit malillugit taarsigassarsinissamut itigartitaasimaneq aamma</p> <p>3) inissiaq ikuallattoornissamut illullu ajoqusersinnaaneranut sillimmaserneqarsimassaaq aamma sillimmasiinermi akiliutissanit akilinngitsuugaqarani.</p> <p><i>Imm. 3.</i> Inissiap silaannaata radoneqassusianik annikillisaanissami tamakkiisumik aningaasartuutissat sinnerinik qinnuteqartoq nammineq aningaasalersuissappat taamaallaat tapiissuteqartoqarsinnaavoq.</p> <p><i>Imm. 4.</i> Inissiap silaannaata radoneqassusianik annikillisaanissami tapiissuteqarnissamut Naalakkersuisut maleruagassiorsinnaapput, taakkunungalugu aqutsineq, aningaasat tunniunneqarnerat suliassallu tapiiffigineqarsinnaatitaasut ilaatinneqarput.</p> <p>”</p>
<p>§ 28. Inissiani pioreersuni iluarsaassinernut, pitsanngorsaarnernut allilerinernulluunniit taarsigassarsinissaq pillugu qinnuteqaat, kapitali 3 aamma 4</p>	<p>4. § 28 ima oqaasertalerneqassaaq:</p> <p>” § 28. Kapitali 3 aamma 4 naapertorlugit taarsigassarsitinneqarnissamik qinnuteqaat kiisalu kapitali 4 a naapertorlugu tapiiffigineqarnissamik qinnuteqaat allaganngorlugu</p>

<p>naapertorlugu, kommunalbestyrelsimut allakkatigut nassiunneqassaaq.</p> <p>Imm. 2. Qinnuteqaammut ilanngunneqassapput:</p> <ol style="list-style-type: none"> <li>1) Iluarsaassinissamut, pitsanngorsaanissa-mut allilerinissamulluunniit kissaatigineqartumut nassuiaat.</li> <li>2) Inissiaq pillugu nassuiaat, tassungalu ilanngullugit pisoqaassusaa, angissusaa qanorlu pitsaassuseqarnera.</li> <li>3) Suliassami aningaasartuutitut tamarmiusunut missingersuusaaq.</li> <li>4) Sulineq pineqartoq nunaminertamik tuni-neqarnissamik pisariaqartitsippat kommunalbestyrelsimiit nunaminertamik immikkoortitsineq imaluunniit nunaminertamik tunineqarneq.</li> <li>5) Nammineq aningaasalersuisinnaanermut uppernarsaat.</li> <li>6) Qinnuteqartup cpr-normua aamma najugaqarnermut allagartaq.</li> <li>7) Inissiamut piginnittuuneq pillugu uppernarsaat.</li> <li>8) Qinnuteqartup pisortanut akiitsoqarnera pillugu Akiliisitsiniarnermut oqartussaniit nalunaarut.</li> </ol> <p>Imm. 3. Qinnuteqaatit nassiunneqartut tunngavigalugit qinnutigineqartut aningaasaliissutigineqarsinnaanersut kommunalbestyrelsi isummissaaq.</p>	<p>kommunalbestyrelsimut nassiunneqassaaq.</p> <p>Imm. 2. Qinnuteqaammut ilanngunneqassapput:</p> <ol style="list-style-type: none"> <li>1) Iluarsartuussinissamut, pitsanngorsaanissamut alliliinissamulluunniit kissaatigineqartumut nassuiaat.</li> <li>2) Inissiaq pillugu nassuiaat, tassunga ilanngullugit pisoqaassusaa, angissusaa qanorlu pitsaassuseqarnera.</li> <li>3) Suliassami aningaasartuutitut tamarmiusunut missingersuusaaq.</li> <li>4) Sulineq pineqartoq nunaminertamik atugassinneqarnissamik pisariaqartitsippat kommunalbestyrelsimiit nunaminertamik immikkoortitsineq imaluunniit nunaminertamik atugassinneqarneq.</li> <li>5) Nammineq aningaasalersuisinnaanermut uppernarsaat.</li> <li>6) Qinnuteqartup cpr-normua aamma najugaqarnermut allagartaq.</li> <li>7) Inissiamut piginnittuuneq pillugu uppernarsaat.</li> <li>8) Qinnuteqartup pisortanut akiitsoqarnera pillugu Akiliisitsiniarnermut oqartussaniit nalunaarut.</li> </ol> <p>Imm. 3. § 19-imi imm. 2 naapertorlugu taarsigassarsitinneqarnissamik imaluunniit § 24 c naapertorlugu tapiiffigineqarnissamik qinnuteqaammut aamma ilanngunneqassapput:</p> <ol style="list-style-type: none"> <li>1) Uuttuutit matoqqasut qassiunerinik, sumullu inissinneqarsimaneramik kiisalu piffissaq uuttortaaffiusoq pillugit paasissutissaaq.</li> <li>2) Misissueqqissaartarfimmit nalunaarusiaq.</li> <li>3) Inissiap iluata silaannaata radoneqassusiata annikillisinneqarnissaanut sanaartukkanik immikkut ilisimasallip siunnersuuteqarluni allakkiaa.</li> </ol> <p>Imm. 4. Qinnuteqaatit nassiunneqartut tunngavigalugit taarsigassarsitsisoqarsinnaanersooq imaluunniit tapiissuteqartoqarsinnaanersooq kommunalbestyrelsi isummissaaq.”</p>
<p><b>§ 30.</b> Taarsigassarsinissamik qinnuteqaat</p>	<p><b>5. § 30</b> ima oqaasertalerneqassaaq:</p>

<p>kommunalbestyrelsimit akuerineqarpat taarsigassarsinissamut neriorsuut tunniunneqassaaq, tassanilu taarsigassarsiat annertussuserigallagassaat aammalu taarsigassarsinermi piumasaqaatit allassimassallutik.</p> <p>Imm. 2. Kommunalbestyrelsip taarsigassarsisitsinerani aningaasaliissutaasunut tunngavigineqartuni aningaasartuutitut missingersuutini allanngortoqarpat, allannguinerlu taarsigassarsiat inaarutaasumik annertussusaannut sunnuteqarpat, taarsigassarsinissamik qinnuteqartoq pisariaqanngitsumik kinguarsaanani tamanna kommunalbestyrelsimut nalunaarutigissavaa. Taamaattoqanngippat inaarutaasumik taarsigassarsiat neriorsuutigineqartuniit annertunerulersinneqarsinnaanngillat.</p>	<p>” § 30. Taarsigassarsitinneqarnissamik imaluunniit tapiiffigineqarnissamik qinnuteqaat kommunalbestyrelsimit akuerineqarpat neriorsuut tunniunneqassaaq, tassanilu taarsigassarsiaritinneqartut imaluunniit tapiissutigineqartut annertussuserigallagassaat aammalu piumasaqaatit allassimassallutik.</p> <p><i>Imm. 2.</i> Kommunalbestyrelsip taarsigassarsisitsinerani imaluunniit tapiissuteqarnerani aningaasaliissutaasunut tunngavigineqartuni aningaasartuutitut missingersuutini allanngortoqarpat, allannguinerlu taarsigassarsiat imaluunniit tapiissutit inaarutaasumik annertussusiannut sunnuteqarpat, qinnuteqartoq pisariaqanngitsumik kinguarsaanani tamanna kommunalbestyrelsimut nalunaarutigissavaa. Taamaattoqanngippat inaarutaasumik taarsigassarsiat imaluunniit tapiissutit neriorsuutigineqartunit annertunerulersinneqarsinnaanngillat.”</p>
<p>§ 31. Taarsigassarsiat inaarutaasumik annertussusaat sanaartornermi inaarutaasumik naatsorsuutit tunngavigalugit naatsorsorneqassapput. Sanaartornermi inaarutaasumik naatsorsuutit suliamut attuumassuteqanngitsumit uppersarneqassapput.</p> <p>Imm. 2. Taarsigassarsinissamik qinnuteqartup nammineq sulinerata nalinga aningaasartuutitut tamarmiusunut ilaassanngilaq, tak. imm. 1. Tamannali sanaartornerup iluani taarsigassarsisoq ileqqusumik suliffeqarneranut atasumik taarsigassarsisoq suliaqarpat atuutissanngilaq.</p>	<p>6. § 31 ima oqaasertalerneqassaaq</p> <p>” § 31. Taarsigassarsiat imaluunniit tapiissutit inaarutaasumik annertussusaat sanaartornermi inaarutaasumik naatsorsuutit tunngavigalugit naatsorsorneqassapput. Sanaartornermi inaarutaasumik naatsorsuutit suliamut attuumassuteqanngitsumit uppersarneqassapput.</p> <p><i>Imm. 2.</i> Qinnuteqartup nammineq sulinerata nalinga aningaasartuutitut tamarmiusunut ilaassanngilaq, tak. imm. 1. Tamannali sanaartornerup iluani qinnuteqartoq ileqqusumik suliffeqarneranut atasumik qinnuteqartoq suliaqarpat atuutissanngilaq.”</p>
	<p>7. § 32-p kingorna qulequtaq ima oqaasertalerneqassaaq:</p>

<i>Taarsigassarsianik tunniussineq</i>	<i>”Taarsigassarsianik tapiissutinillu tunniussineq”</i>
	<p><b>8.</b> § 34-p kingorna, § 35-ip siuliani qulequttap siuliani, ilanngunneqassaaq:</p> <p>” § 34 a. Inissiamik iluarsartuussineq, pitsanngorsaaneq, alliliineq imaluunniit inissiap iluata silaannaata radoneqassusianik annikillisaaneq naammassineqarpat aamma sanaartornermi naatsorsuutit uppersarneqarsimasut takutinneqarnerisigut kiisalu ikuallattoornissamut illullu ajoqusernissaanut sillimmasiisimanermut uppersartaatip takutinneqarnerisigut, § 24 a aamma § 24 c naapertorlugit tapiissutit tunniunneqassapput. Taamaattorli aningaasaliissutit kommunalbestyrelsip misingersuusiatus akuerisaanni ukiumi ilanngunneqarfianni siusinnerpaamik tapiissutit tunniunneqarsinnaapput. Tapiissutit entreprenørimut suliaqartumut toqqaannartumik tunniunneqarnissaannik kommunalbestyrelsi aalajangiisinnaavoq.</p> <p><i>Imm. 2.</i> Alliliinermi tapiissutit tunniunneqarnissaanni atuilernissamut akuersissuteqarnissaq aamma piumasaqaataavoq. ”</p>
	<p style="text-align: center;"><b>§ 2</b></p> <p>Inatsisartut inatsisaat manna 2023-mi juulip aallaqqaataani atuutilissaaq.</p>



## Tusarniaanermiit allakkiat

1. Illuliorititernernut aningaasalersuineq pillugu inatsisip allanngortinneqarnissaanik siunnersuut, kingusinnerpaamik februaarip 24-ani nal. 12 akissuteqarfissalerlugu 2023-mi januaarip 27-ani tusarniaavikkut tusarniutigineqarpoq; qallunaatut: Høring af forslag til: Inatsisartutlov om ændring af Inatsisartutlov om boligfinansiering (Lån og tilskud til radonsikring) (naalakkersuisut.gl) kalaallisullu: Unga siunnersuutip tusarniutigineqarnera: Illuliorititernernut aningaasalersuineq pillugu Inatsisartut inatsisaata allanngortinneqarnera pillugu Inatsisartut inatsisaat (Radonimut isumannaajaanissamut taarsigassarsisitsineq tapiissuteqarnerlu) (naalakkersuisut.gl).

Kingusinnerpaamik februaarip 24-ani 2023-mi akissuteqarfissalerlugu, siunnersuut januaarip 27-ani 2023-mi mailikkut tamanut tusarniutigineqarpoq, tulluuttunullu nassiuqqarluni:

### Nassitsivigineqartut:

Naalakkersuisut Siulittaasuata Naalakkersuisoqarfia ([govsec@nanoq.gl](mailto:govsec@nanoq.gl))

Aningaasaqarnermut Naligiissitaanermullu Naalakkersuisoqarfik ([oed@nanoq.gl](mailto:oed@nanoq.gl))

Nunanut Allanut, Inuusutissarsiornermut Niuernermullu Naalakkersuisoqarfik ([nap@nanoq.gl](mailto:nap@nanoq.gl))

Aalisarnermut Piniarnermullu Naalakkersuisoqarfik ([apn@nanoq.gl](mailto:apn@nanoq.gl))

Isumaginninnermut, Suliffeqarnermut Nunamullu Namminermut Naalakkersuisoqarfik ([isn@nanoq.gl](mailto:isn@nanoq.gl))

Ilinniartitaanermut, Kultureqarnermut, Timersornermut Ilageeqarnermullu Naalakkersuisoqarfik ([ikin@nanoq.gl](mailto:ikin@nanoq.gl))

Aatsitassanut Inatsisillu Atuutsinneqarnerannut Naalakkersuisoqarfik ([asn@nanoq.gl](mailto:asn@nanoq.gl))

Nunalerinnermut, Imminut Pilersornermut, Nukissiutinut Avatangiisinullu

Naalakkersuisoqarfik ([pan@nanoq.gl](mailto:pan@nanoq.gl))

Meeqqanut, Inuusuttunut Ilaqtariinnullu Naalakkersuisoqarfik ([ian@nanoq.gl](mailto:ian@nanoq.gl))

Peqqissutsimut Naalakkersuisoqarfik ([pn@nanoq.gl](mailto:pn@nanoq.gl))

Kommune Kujalleq ([kommune@kujalleq.gl](mailto:kommune@kujalleq.gl))

Kommuneqarfik Sermersooq ([kommuneqarfik@sermersooq.gl](mailto:kommuneqarfik@sermersooq.gl))

Qeqqata Kommunia ([qeqqata@qeqqata.gl](mailto:qeqqata@qeqqata.gl))

Kommune Qeqertalik ([qeqertalik@qeqertalik.gl](mailto:qeqertalik@qeqertalik.gl))

Avannaata Kommunia ([avannaata@avannaata.gl](mailto:avannaata@avannaata.gl))

Kalaallit Nunaanni naalagaaffiup sinniisua ([ro@gl.stm.dk](mailto:ro@gl.stm.dk))

Ineqarneq pillugu Maalaaruteqartarfik – Atuisartoqarnermut Unammilleqatigiinnermullu Aqutsisoqarfik ([aua@nanoq.gl](mailto:aua@nanoq.gl))

Nukissiorfiit ([kundeservice@nukissiorfiit.gl](mailto:kundeservice@nukissiorfiit.gl))

Nusuka ([nusuka2004@gmail.com](mailto:nusuka2004@gmail.com))

Sulisitsisut ([ga@ga.gl](mailto:ga@ga.gl))

Kalaallit Nunaanni Politiit ([grl-politi@politi.dk](mailto:grl-politi@politi.dk) og [grl-lesek@politi.dk](mailto:grl-lesek@politi.dk))

SIK ([sik@sik.gl](mailto:sik@sik.gl))

PK-mi siulittaasoq ([formanden@pk.gl](mailto:formanden@pk.gl))

Mittarfeqarfiit ([mit@mit.gl](mailto:mit@mit.gl))

Asiaq ([asiaq@asiaq.gl](mailto:asiaq@asiaq.gl))

AK ([aknuuk@ak.gl](mailto:aknuuk@ak.gl))

IMAK ([imak@imak.gl](mailto:imak@imak.gl))

NPK ([info@npk.gl](mailto:info@npk.gl))

ASG ([asg@asg.gl](mailto:asg@asg.gl))

KANUNUPE ([kanunupe@gmail.com](mailto:kanunupe@gmail.com) imaluunniit [kanunupe@greenet.gl](mailto:kanunupe@greenet.gl) )

2. Tusarniaanerup naanerani tulliuuttut siunnersuummut oqaaseqaatissaqaratik nalunaaruteqarput: Kalaallit Nunaanni Politiit, Atuisartoqarnermut Unammilleqatigiinnermullu Aqutsisoqarfik, Qeqqata Kommunia, Isumaginninnermut, Suliffeqarnermut Nunamullu Namminermut Naalakkersuisoqarfik kiisalu Aalisarnermut Piniarnermullu Naalakkersuisoqarfik.

Tusarniaanerup naanerani Kommuneqarfik Sermersuumit, Kommune Kujallermit kiisalu Peqqissutsimut Naalakkersuisoqarfimmit oqaaseqaatit tiguneqarput.

Oqaaseqaatit tiguneqartut tulliuuttumi saqqummiunneqarput. Tusarniaanermi akissuteqaatinut ataasiakkaanut Ineqarnermut Attaveqaasersuutinullu Naalakkersuisoqarfiup oqaaseqaatai uingasunik allassimapput.

### **Kommuneqarfik Sermersooq**

Tusarniaanermut najoqqutassat pineqartut Kommuneqarfik Sermersuup tiguaa oqaluuseralugulu, tusarniutigineqartumullu akissuteqarnissaminut periarfissinneqarnerminut qujalluni.

Illuliortiternernut aningaasalersuineq pillugu Inatsisartut inatsisaata allanngortinneqarnera pillugu Inatsisartut inatsisissaattut siunnersuut (Radonimut isumannaajaanissamat taarsigassarsisitsineq tapiissuteqarnerlu) Kommuneqarfik Sermersuup isumalluarnartutut isigaa.

Tusarniutigineqartumut akissuteqaat allaffeqarfimmit suliarineqarpoq, taamaattumillu malitsigisaanik politikikkut oqaluuserineqarnissaa nangaanartoqartitsilluni.

*Akissut:*

*Kommuneqarfik Sermersuup siunnersuummik tigusilluarneranut Naalakkersuisoqarfik qujavoq.*

### **Kommune Kujalleq**

Kommune Kujalleq inatsisissatut siunnersuummut tulliuuttutut oqaaseqaateqarpoq:

100.000 koruuninik taarsigassarsisitsisinnaanermi piumasaqaataasut misissugassallu, taamaalillunilu allaffissornissaq annertuutut nalilerneqarput.

Nassuiaatini allassimavoq, Kommune Kujalleq nutarterinissamut taarsigassarsianik atuisimananilu taarsigassarsisitsisimanngitsoq, Kujallerli nutarterinissamut taarsigassarsisitsisimammattamanna eqqunngilaq.

*Akissut:*

*Naalackersuisoqarfiup nalilerpaa, radonimut isumannaajaanissamut taarsigassarsitinneqarnissamik qinnuteqaatinik kommunip suliaqarnera, aaqqiissut massakkut atuuttoq naapertorlugu qinnuteqaatinik suliaqarneq assigiinnassagaa. Taarsigassarsisitsisinnaanissami imaluunniit tapiissuteqarsinnaanissami inissiap iluata silaannaata radoneqassusissaanut piumasaqaatit naammassineqarnerinut uppersaatit, siunnersuut naapertorlugu taarsigassarsitinneqartup pissarsiarisussaassavai. Taamaattumik Naalackersuisoqarfiup nalilerpaa, qinnuteqaatinik suliaqarnermi aningaasartuutit kiisalu taarsigassarsiissutigineqartut imaluunniit tapiissutigineqartut aningaasaliissutit piusut iluini aningaasartuutigineqarsinnaassasut.*

*Siunnersuummut Nassuiaatini nalinginnaasuni imm. 3-mi oqaatigineqarpoq, illuliortiternernut aningaasalersuinissanut Namminersorlutik Oqartussat ataatsimoortumik tapiissutigisimasaannut naapertuuttumik, Kommune Kujalleq illuliortiternernut aningaasalersuinissanut aningaasanik manna tikillugu atuisimanngitsoq. Tamanna tunuliaqataralugu nalilerneqarpoq, aningaasartuutissat siunnersuummut tunngassuteqartut Namminersorlutik Oqartussat kommuninut ataatsimoortumik tapiissutigisaannit aningaasaliissutit iluini aningaasartuutigineqarsinnaassasut.*

### **Peqqissutsimut Naalackersuisoqarfik**

Peqqissutsimut Naalackersuisoqarfik isumaqarpoq, siunnersuut tamakkiisumik tapersorsinnaallutigu siunnersuutaalluartoq.

Ilisimaneqartutut radon peqqissutsimut akornusiisinnaalluni silaannaap akoraa, namminerlu angerlarsimaffinni silaannaap pitsaanerulersinneqarnissaanut taarsigassarsisitsinissamut, tapiissuteqarnissamullu periarfissagissaarnerneq peqqissutsimut ajoqusiisinnaasunik annikillisaataassasoq naatsorsuutigineqartariaqarpoq.

*Akissut:*

*Peqqissutsimut Naalackersuisoqarfiup siunnersuummik tigusilluarneranut Naalackersuisoqarfik qujavoq.*